

JOXE KRUIZ SARASOLA

Martxoaren 23an Guardia Zibilak atxilotua

«Senitartekoak torturatzearekin mehatxatzen ninduten»

Joxe Kruz Sarasola 72 urteko orereta-rrak tortura psikologikoak salatu zituen, eta horrekin batera lau edo bost egun lo egin gabe eduki izana. «Nire emaztea, bilobak eta alabak torturatuko zituzten mehatxua egiten zidaten, eta agian nire emaztea gauza bazen geratuko zela umeak zaintzeko», adierazi zuen. Gainera, «kantatzen» ez bazuen Gurutze Iantzi bezala aterako zela, eta «beraiek libre izango zirela, eskuak garbi baitzituzten edozer gauza egiteko».

ALICIA SAEZ DE LA CUESTA

Martxoaren 26an Guardia Zibilak atxilotua

«Madrilerako bidean burua behin eta berriz kolpatu zidaten»

Alicia Saez de la Cuestak salatu zuen Madrilerako bidean «burua behin eta berriz kolpeak» ematea, bai eskuarekin, bai autoaren albo batekin kolpatuz. Madrilerara iristean, berriz, biluztu eta hara eta hona ibilarazi zutela poliziak begira zituen bitartean. Horrez gain, «poltsa» behin eta berriz jarri izana salatu zuen, eta jarri zioten horietako batean «konortea galtzeko zorian» egon zela azpimarratu, eta pentsatu zuela mundu honetatik «bazihoala».

AINARA FRESNEDA

Martxoaren 27an Guardia Zibilak atxilotua

«Poliziek poltsa jarri zidaten buruan, ia konortea galdu arte»

Ainara Fresnedak salatu zuen «poltsa behin eta berriz» jarri ziotela, ia konortea galdu arte, beti ere mehatxu, garrasi eta irain artean. Bestalde, galdeketetan arropa kenarazi ziotela ere esan zuen, eta biluzik egotera behartu zutela, izaera sexuarekin umiliatzeak eta mehatxuak egiten zizkieten bitartean. «Hiru egunetan ez zidaten lo egiten utzi, eta zutik egotera behartu ninduten, denborarik gehiena deskantsatzeko astirik utzi gabe», adierazi zuen Fresnedak.

JOSE MANUEL ZUBILLAGA

Otsailaren 25ean Guardia Zibilak atxilotua

«Nire emaztea atxilotua zegoela esan zidaten»

Jose Manuel Zubillagak azaldu zuen esan ziotela bere «emaztea atxilotua» zegoela, eta alboko gelan bere ahotsa entzuten zuen. Argitu zuen bere emazteak bronkitisa duela, eta ez zutela entzuten ziotela, eta horrekin «presioa» egiten ziotela. Ziegara iritsi eta begiak irekitzeko baimena eman ziotenean, emaztearen gainekoa ikusi zuela, eta bere «emaztea negarrez» entzuten zuela. Gaineratu zuen agian «zinta grabatu bat» izan zitekeela.

TORTURAK. Olanok apirilaren 28ko Hazparneko eta Donostiako manifestazioetara joateko deia egin zuen

Euskal herritarrek «ia sistematikoki» torturatzea salatu dute AABk

Urtea hasi zenetik 68 lagunek torturak jasan dituzte, eta 22k salaketa judiziala jarri dute

Ainara Olano | DONOSTIA

Juan Mari Olano Amnistiaren Aldeko Batzordeko kideak salatu zuen «arrazoi politikoengatik» atxilotutako euskal gizon eta emakumei, «ia sistematikoki tratatu txarrak» ezartzen zaizkiela polizia etxeetan. Olanorekin batera prentsurrekoan izan ziren tratatu txarrak jasan dituzten hainbat presoren senitartekoak.

Olanok azpimarratu zuen hainbat markada luzeetan dagoela torturaren «errealitate odoltsua», baina hala ere gizarteak ez duela ezagutzen zer mailataraino iristen den, «beti ezkutatuta» izan baita. Ildo berean, Garbine Erasoren koordinaketako kideak tortura «Estatuek erabiltzen duten arma politiko» modura definitu zuen. Bide batez, azaldu zuen bere ustean Espainiako estatuentzako «biktima onenak euskal biztanleak» direla. Horrekin batera, Espainiako estatuak «inpunitate osoarekin» jokatzeari salatu zuen, eta lan horretan Frantziako estatuaren «onespen guztia» zuela azaldu.

Bestalde, Olanoren hitzetan, torturaren aplikazio sistematikoa ia atxilotutako zentro guztietan egiten da, eta Polizia Nazionalak, Guardia Zibilak eta Ertzantzak egiten dute. Ildo berean esan zuen Frantziako Estatuak ere hasiak direla atxilotuak kolpatzen, eta gero eta tor-

PRESOAK**Iragik kartzelan jasotako jipoiak salatu ditu**

Harriet Iragik Valdemoroko espetxean jipoiak jaso izana salatu dute Senideek. Dirudienez, Iragik bisa bidegabeki kendu ziotelako bere ziegaren ateari ostikada bat eman zion. Geroago bi funtzionario bere ziegara irainka etorri, lurrera bota eta kolpatu egin zuten. Iragik eusten zuela ikusita, porrak ekarri zituzten, berriz lurrera bota eta bere gainean zeudela kolpeak ematen hasi ziren, eta korridoretik arrastaka ere ibili zuten. Aldi berean, funtzionario batek porra lepo gainetik zeharkatu eta bere ehun kiloak Iragiren gainean jarri zituen, itotzeko zorian utziz. Hilko zutela pentsatzen zuenean, funtzionarioek alde egin zuten.

tura bortitzagoak egiten dituztela.

AABren datuen arabera, azken hiru hilabeteetan atxilotutako 68 lagunek torturak jasan dituzte. Haietatik 15 Ertzantzak atxilotu zituen, 27 Espainiako Polizia Nazionalak, 24 Guardia



GARI GARAIALDE

Zenbait lagunek atxilotutakoek jasaten dituzten torturak irudikatu zituzten atzoko prentsurrekoan.

Zibilak, eta Frantziako Poliziak 2. Haietatik 22k salaketa judizialak jarri dituzte.

«Euskal gizarteak du torturaren amaitzeko erantzukizuna»

Horren guztiaurrean, Olanok azpimarratu zuen tortura

desagerrarazteko erantzukizuna euskal gizarteak hartu behar duela. «Dei zabal bat egiten diegu herri honetako eragile sozialei, politiko, sindikal eta instituzionalei, errealitate honen aurrean begiak ez ixteko eskatuz», esan zuen. Zentzu horre-

tan, «lehen aukera» apirilaren 28rako Hazparne eta Donostian antolatu diren manifestazioetara joatea dela esan zuen. Jende asko joatea espero duela esan zuen, «torturaren kontra, euskal gizartearen inplikazioaren abiapuntua» izateko.

APIRILAK 21, 20:30

KEPA JUNKERA

HEVIA

LUAR

NA

EUSKALDUNA JAUREGIA • BILBO

SARRERAK: 2.800, 3.000 eta 4.000pta. Aurrasalmenta TELEKAN

abuso

Legentzalea: Egunkaria

BI-2001-IBI

hemendageroa